



御批歷代通鑑輯覽卷之二十一

晉

孝惠皇帝

乙丑永興二年夏四月張方復廢羊后

秋七月東海王越自領徐州都督傳檄討張方

東海中尉劉洽以張方劫遷車駕勸東海王越討之越

傳檄山東糾率義旅迎天子還舊都徐州長史王修說

刺史東平王楙

字孔偉義陽成王望之子

以州授之越乃以司空領

徐州都督楙自爲兗州刺史于是范陽王虓及王浚等

共推越爲盟主越輒選置刺史以下朝士多赴之

成都故將公師藩

公師複姓藩陽平人

寇掠趙魏

成都王穎既廢河北人多憐之其故將公師藩等自稱

將軍起兵趙魏眾至數萬初上黨武鄉晉縣故城在今山西遼州榆社

縣人晉書匈奴傳北狄入居塞石勒字世龍初名有

膽力善騎射并州大饑東嬴公騰執諸胡于山東賣充

軍實勒亦被掠賣為莊平漢縣今屬山東東昌府人師懼奴懼奇

其狀貌而免之懼家鄰于馬牧勒乃與牧帥汲桑結壯

士為羣盜及藩起桑與勒帥數百騎赴之桑始命勒以石為姓勒為

名藩攻陷郡縣轉前攻鄴范陽王虓遣其將苟晞擊走

之胡三省曰石勒始此

八月東海王越范陽王虓發兵西豫州刺史劉喬字仲彥南陽人

拒之太宰顓遣張方助喬冬十月襲虓破之

東海王越。畱琅邪王睿守下邳。睿請王導爲司馬。委以

軍事。越西屯蕭縣。

注見前。

范陽王虓自許屯于滎陽。越承

制以豫州刺史劉喬爲冀州。使虓領豫州。喬以虓非天

子命。發兵拒之。虓以劉琨爲司馬。越以劉蕃

琨之父。

爲淮

北護軍。劉輿爲潁川太守。喬上尙書列輿兄弟罪惡。因

引兵攻虓于許。遣其子祐拒越于靈壁。

蕭縣地名。非今靈壁縣也。

東

平王楙在兗州。徵求不已。郡縣不堪命。虓遣荀晞還兗

州。徙楙青州。楙不受命。與劉喬合。顒聞山東兵起甚懼。

表成都王穎都督河北諸軍事。復鎮鄴。詔越等各就國。

越等不從。顒得喬上事。下詔稱劉輿脅虓造逆。令鎮南

將軍劉弘征東將軍劉準與喬并力。以張方爲都督。共

會許昌誅輿兄弟使穎與石超等據河陽爲喬繼援弘遺喬及越書使解怨釋兵同獎王室皆不聽弘又上表曰自頃兵戈紛亂搆于羣王載籍以來骨肉之禍未有如今日者也謂宜速詔越等兩釋猜疑各保分局自今有擅興兵馬者天下共伐之時願方拒關東倚喬爲助不納喬乘虛襲許破之琨輿及虓俱奔河北弘以張方殘暴知願必敗乃帥諸軍受越節度既而虓遣琨乞師于王浚遂擊斬石超于滎陽東迎越又擊劉祐于譙殺之喬眾潰走。

有星孛于北斗。

十一月將軍周權矯詔立羊后事覺伏誅。

于是太宰顓矯詔敕畱臺賜后死司隸校尉劉暉等上

表理后無罪。願欲收噉。噉奔青州。然羊后以是得免。

十二月成都王穎據洛陽。

陳敏據江東。劉弘遣江夏太守陶侃將兵討破之。

初敏既克石冰。

事見前。

自謂勇略無敵。遂據歷陽以叛。吳

王常侍甘卓棄官歸。敏爲子景娶卓女。使卓假稱皇太

弟令拜敏揚州刺史。敏使弟恢及別將錢端等南略江

州。弟斌東略諸郡。遂據江東。以顧榮爲右將軍。賀循爲

丹陽內史。周玘爲安豐。

魏郡治安風。安豐注見前。

太守。豪傑名士咸

加收禮。

循佯狂得免。玘亦稱疾不赴。敏疑諸名士不爲用。盡欲誅之。榮曰。將軍神武不世。若能委信

君子。散蒂芥之嫌。塞讒詔之口。則上方數州可傳檄而定。不然終不濟也。敏乃止。

太宰顓以張

光爲順陽。

晉郡治鄴。故城在今湖北襄陽府光化縣。

太守。帥步騎討敏。劉弘

樂玘號曰東名士。心失身名。教掃地論者。或許其殺敏自贖。是徒爲靦顏忍恥者。藉口地耳。何可爲訓。

遣江夏太守陶侃屯夏口。又遣南平

晉郡。治唐故城。在今湖南澧州安。

鄉太守應詹

字思遠。南頓人。璩之孫。

督水軍以繼之。

侃與敏同郡。又同歲舉吏。

或謂弘曰。侃脫有異志。則荊州無東門矣。弘不聽。侃遣子洪詣弘。以自固。弘引為參軍。資而遣之。曰。匹夫之交。尚不負心。況大丈夫乎。敏遣陳恢寇武昌。侃與戰。屢破之。又與皮

初。張光共破錢端于長岐。

地名。胡三省注。在江夏界。

或謂弘曰。張光

太宰腹心。公既與東海。宜斬光以明向背。弘曰。宰輔得

失。豈張光之罪。危人自安。君子不為也。乃表光勳。請加

遷擢。

敏據江東。踰年。刑政無章。子弟凶暴。廬江內史華譚。以書讓顧榮。周玘。榮玘見之。甚慙。乃密遣人告

征東將軍劉準。使發兵臨江。已為內應。準許之。于是榮玘。及甘卓。紀瞻等。共攻敏。敏眾潰。單騎北走。追斬之。傳首京師。紀瞻

字思遠。秣陵人。

丙寅

光熙元年。

成晏平元年。是歲成始建國號。與漢凡二僭國。

春正月。戊子朔。日

食。

太宰頤殺張方。成都王穎奔長安。

東海王越之起兵也。使人說太宰頤。令奉帝還洛。約與分陝爲伯。頤欲從之。張方自以罪重。恐爲誅首。謂頤曰。今據形勢之地。國富兵彊。挾天子以號令。誰敢不從。奈何拱手受制于人。頤乃止。及劉喬敗。越進屯陽武。王浚遣其將祁弘以突騎鮮卑烏桓爲越先驅。頤懼。欲罷兵。恐方不從。乃誘方帳下督郅輔。使殺方。送首于越。以請和。越不許。遣祁弘等帥鮮卑西迎車駕。宋胄等進逼洛陽。穎奔長安。

三月五苓夷

寧州附塞部落之名

寇寧州

晉置治建寧郡。今雲南曲靖府是。

寧州頻歲饑疫。五苓夷彊盛。遂圍州城。會刺史李毅病卒。其女秀明達有父風。眾推領州事。秀獎勵戰士。嬰城固守。城中糧盡。矢鼠拔草而食之。伺夷稍怠。輒出兵掩擊。破之。後毅子釗自洛往。州人奉以爲主。釗遣使詣京。師求刺史。朝命以王遜爲南夷校尉。兼刺寧州。遜招集離散。擊平叛夷。州境復安。王遜字邵伯。魏興人。夏四月。東海王越進屯溫。遣祁弘入長安。奉帝東還。

太宰顓遣兵拒祁弘等于湖。弘擊破之。遂西入關。又破

其兵于霸水。顓單馬逃入太白山。

在鳳翔府郿縣東南。卽禹貢終南。漢書作

太壹。弘等入長安。所部鮮卑大掠。百官奔散。弘等奉帝乘

牛車東還。關中皆服于東海王越。顓保城而已。

六月。至洛陽。復羊后。

成都王李雄稱成皇帝

雄即帝位國號大成

初范長生詣成都雄門迎執版拜為丞相尊之曰范賢至是以為天

地太師時諸將恃恩互爭班位尚書令閣式請考漢晉故事立百官制度從之

秋七月乙酉朔日食

八月以東海王越為太傅錄尚書事范陽王虓為司空鎮

鄴

越以庾敳

字子嵩鄆陵人

為軍諮祭酒胡母輔之為從事中郎

郭象

字子元河南人

為主簿阮修為行參軍謝鯤為掾敳等皆

尚虛元不以世務嬰心縱酒放誕越皆以其名重辟之

荊州都督新城公劉弘卒

諡曰元

時天下大亂弘專督江漢威行南服事成則曰某人之

時務方殷雖真才猶恐不給乃以名重用縱酒放誕之人安能有濟

功如敗。則曰老子之罪。每有興發。手書守相。丁寧款密。人皆感悅。爭赴之。咸曰。得劉公一紙書。賢于十部從事。至是卒。

九月。頓邱

晉郡本漢縣。注見前。

太守馮嵩。執成都王穎。送鄴。兗州刺

史荀晞。擊斬公師藩。冬十月。范陽王虓卒。長史劉輿誅穎

祗。引之入關也。成都王穎。自武關奔新野。會劉弘卒。司

馬郭勣作亂。欲奉穎爲主。不克而誅。穎遂北濟河。收故

將士。欲赴公師藩。頓邱太守馮嵩。執送鄴。范陽王虓幽

之。而荀晞亦擊斬藩。十月。虓卒。長史劉輿。以穎素爲鄴

人所附。僞稱詔賜死。

穎官屬皆先逃散。惟盧志不去。至是收而殯之。太傅越召爲軍諮祭

酒。越又將召輿。或曰。輿猶賊也。近則汚人。及至越疏之。輿密視天下兵簿。及倉庫牛馬器械水陸之形。皆默識

劉輿默識天下兵簿。類蕭何之收圖籍。然以圖進

廉附非人陷于悖逆可謂
不義而甚

之。每會議應機辦畫。越傾膝酬接。卽
以爲左長史。軍國之務。悉以委之。

十一月。帝中毒崩。太弟熾卽位。是爲懷帝尊皇后曰惠皇后。立

妃梁氏爲皇后。

帝食麤中毒而崩。或曰太傅越之鳩也。羊后自以于太

弟爲嫂。恐不得爲太后。將立清河王覃。侍中華混露版

馳告太傅越。召太弟入宮。卽帝位。尊后曰惠皇后。居弘

訓宮。

帝始遵舊制。于東堂聽政。每至宴會。輒與羣臣論
眾務。考經籍。黃門侍郎傅宣歎曰。今日復見武帝

之世
矣。

十二月壬午朔日食。

劉友益書法。于是一歲三食。
千三百六十餘年。惟此而已。

南陽王模。

字元表。宣帝弟。
高密王泰子。

誅河閒王顒。

太傅越以詔徵顒爲司徒。顒就徵。模自許昌遣將邀殺

之。

葬太陽陵。

尹氏起莘曰。晉惠之爲君。動輒受制于人。如嬰兒玩弄于股掌之上。欲東而東。欲西而西。莫適爲主。是以始焉不保。母后。次焉不保其妻子。終焉不保其身。昏愚亦已甚矣。

以劉琨爲并州刺史。

劉輿說太傅越遣琨鎮并州。以爲北面之重。而徙東燕。

王騰。

騰以迎駕功進封。

鎮鄴。越從之。

琨至上黨。騰卽自井陘東下。時并州饑饉。數爲胡寇。

所掠吏民萬餘人。悉隨騰就穀冀州。號爲乞活。所餘戶不滿二萬。寇賊縱橫。道路斷塞。琨募兵上黨。得五百人。轉鬪而前。至晉陽。府寺焚毀。邑野蕭條。琨撫循勞徠。流民稍集。

孝懷皇帝

丁卯永嘉元年春二月羣盜王彌寇青徐。

附非人陷于悖逆謂
不義其

初音堅漢縣故城在今山東登州府黃縣拔令劉柏根反王浚討斬之其

長史王彌遂為羣盜至是寇青徐殺東萊太守既而為

苟純弟所敗遂降漢陽平劉靈少貧賤力制奔牛走及奔馬嘗撫膺曰夫平何當亂

也及公師藩起靈自稱將軍寇掠趙魏藩死與王彌俱降漢

立清河王覃弟詮為皇太子

太傅越出鎮許昌

帝親覽大政畱心庶務越不悅固求出藩

以南陽王模都督秦雍等州軍務

夏五月羣盜汲桑石勒入鄴殺都督新蔡王騰騰于是年三月改封

復攻兗州太傅越遣苟晞討之

公師藩既死汲桑逃還苑中在平牧馬苑也更聚眾聲言為成

都王報仇以石勒爲前驅所向輒克遂進攻鄴時鄴中空竭而新蔡王騰資用頗饒性吝嗇臨急賜將士米各數升帛各丈尺以是不爲用桑遂入鄴殺騰燒宮大掠而去南擊兗州太傅越使荀晞等討之相持數月互有勝負

秋七月以琅邪王睿爲安東將軍都督揚州諸軍事鎮建業

睿至建業以王導爲謀主推心親信每事咨焉睿名論素輕吳人不附居久之士大夫莫有至者會睿出觀禊

胡三省注漢儀季春上巳官及百姓皆禊于東流水上應劭曰禊潔也于水上盥潔之也導使睿乘

肩輿具威儀導與諸名勝皆騎從紀瞻顧榮等見之驚

異相帥拜于道左。導因說睿曰：顧榮賀循，此士之望，宜

引之以結人心。二子既至，則無不來矣。睿乃使導躬造

之，循榮皆應命。以循為吳國內史，榮為軍司，加散騎常

侍。凡軍府政事，皆與之謀。又以紀瞻為軍祭酒，卞壺以

邑為氏，壺字望之，濟陰人。為從事中郎。周玘、劉超，字世瑜，琅邪人。張闓，字敬

張昭曾孫孔衍，字舒元，孔子皆為掾屬。導說睿謙以接士，儉

以足用，以清靜為致。撫綏新舊，故江東歸心焉。睿初至，頗以酒

廢事，導以為言。睿命酌，引觴覆之。于此遂絕。

荀晞擊汲桑，石勒大破之。桑走死，勒降漢。

荀晞追擊汲桑，破其八壘，死者萬餘人。桑奔馬牧，為人

所殺，勒奔樂平。晉郡，今為縣，屬山西平定州。太傅越加晞都督青兗

諸軍事

晞屢破彊寇善治繁劇威名甚盛其從母依之奉養甚厚其子求為將晞不許曰吾不以王法

貸人固求之乃以為督護後犯法晞杖節斬之從母叩頭救之不聽既而素服哭之曰殺卿者兗州刺史哭弟

者苟道將也其用法嚴峻如此胡部大張劭督等
胡人一部之長呼為部大姓張氏名劭督

擁眾壁于上黨石勒往從之因說劭督等與俱歸漢

主淵以勒為護漢將軍平晉王

冬十一月戊申朔日食

以王衍為司徒

衍說太傅越曰朝廷危亂當賴方伯宜得文武兼資以

任之乃以弟澄字平為荊州都督族弟敦字處為青州

刺史語之曰荊州有江漢之固青州有負海之險卿二

人在外而吾居中足以為三窟矣澄至鎮日夜縱酒不

衍兄弟披猖公營三窟至
身敗名裂猶稱少無官情
將誰欺乎此足為鄙夫獵
時望者所鑒